

**KERATAN AKHBAR-AKHBAR TEMPATAN**  
**TARIKH: 14 APRIL 2015 (SELASA)**

<b>Bil</b>	<b>Tajuk</b>	<b>Akhbar</b>
1	Ancaman internet terhadap kanak-kanak	Berita Harian
2	Fahami remaja	Berita Harian
3	NanoMITE tepati kehendak pasaran antarabangsa	Berita Harian
4	Jangan buat spekulasi insiden letupan di Sibu Jaya, kata polis	Bernamea.com
5	The 13 <sup>th</sup> Asia Pacific International	The Star
6	Thank You (Ads)	New Straits Times

KERATAN AKHBAR TEMPATAN  
BERITA HARIAN (FAMILI) : MUKA SURAT 12  
TARIKH: 14 APRIL 2015 (SELASA)

Oleh Nor Afzan Mohamad Yusof  
afzan@bh.com.my

**D**ata Bank Dunia menganggarkan seramai 176 juta kanak-kanak menggunakan internet menjelang tahun 2017, iaitu peningkatan sebanyak 35 juta berbanding 121 juta dicatatkan pada tahun ini.

Kajian dilakukan di 12 negara termasuk Malaysia, menunjukkan, daripada jumlah itu 85 juta kanak-kanak dijangka menggunakan peranti elektronik apabila berhubung untuk pertama di internet. Peningkatan itu mencetus kebimbangan terhadap isu keselamatan kanak-kanak sewaktu melayari alam maya, seperti kemungkinan menjadi mangsa buli siber, penipuan serta pendedahan pornografi kanak-kanak.

Apatah lagi, kajian dilakukan EU Kids Online, sebanyak 50 peratus atau 35 juta kanak-kanak mungkin pernah berhadapan risiko buli siber, manakala sebanyak 21 peratus atau 14 juta berhadapan risiko pendedahan terhadap isi kandungan laman web yang berbahaya atau memudarakan.

Lima hingga enam juta kanak-kanak berkemungkinan, secara sadar atau tidak, melanggan atau membeli sesuatu perkhidmatan, ditawarkan di internet serta berpotensi untuk dijadikan subjek pendedahan maklumat peribadi oleh pihak tidak bertanggungjawab.

**Kendali risiko**

Pengarah dan Ketua Tanggungjawab Sosial, Kumpulan Telekom, Ola Jo Tandrea, berkata sama ada kanak-kanak berkenaan pasif atau aktif internet, tetap ada risikonya.

Bagaimanapun, katanya, risiko itu boleh dikurangkan dengan mengambil langkah menanganinya terutamanya dengan aplikasi tapisan, selain banyak bercakap dan berbincang dengan anak mengenai aspek keselamatan sewaktu melayari laman web.

Memperlihatkan kesan negatif dilawar internet, mungkin ramai ibu bapa tidak bersetuju mendedahkan anak mereka terhadap internet.

"Bagaimanapun, saya fikir untuk belajar menanganinya sesuatu, kita tidak boleh takut, sebaliknya belajar untuk menanganinya risiko. Seperti mula-mula naik basikal, risikonya jatuh, tetapi apabila kita tahu bagaimana menanganinya basikal, risiko jatuh semakin berkurangan.

"Ia sama dengan aktiviti melayari internet. Risiko negatif memang ada, tetapi ia banyak bergantung kepada bagaimana cara untuk mengurangkan risiko apabila terdedah dengan internet.

"Sebagai contoh apabila seseorang tidak dikenali menyapa anak anda, beritahu anak anda, bagaimana untuk mengelakkan diri daripada tertipu atau menjadi mangsa individu tidak dikenali yang mungkin memiliki niat tidak baik. Bercakaplah dengan anak anda mengenai internet kerana itu adalah sebahagian daripada proses membiaskan diri di internet," katanya.

Beliau ditemui selepas membina

# Ancaman internet terhadap kanak-kanak



memberi manfaat kepada lebih 35,000 pelajar daripada 70 sekolah di seluruh negara dengan melatih 450 guru teknologi maklumat dan komunikasi.

"Usaha itu akan terus diperingkatkan kerana kajian Kebangsaan 2014: Laporan Cyber SAFE in Schools 2014 yang dilakukan ke atas 14,000 pelajar sekolah, yang terbabit dalam bengkel Cyber SAFE in Schools, mendapati 40 peratus pelajar, tidak mengetahui bagaimana mereka boleh melindungi diri sewaktu melayari internet, dengan 83 peratus mengakui terdedah dengan risiko disebabkan langkah perlindungan minimum.

"Malangnya, dalam aspek campur tangan orang dewasa, sebanyak 50 responden mengakui, tidak dilia ketika melayari internet, dengan hampir 40 peratus menyetujui mereka tidak dikawal oleh sebarang peraturan keselamatan," katanya.

Memperlihatkan hasil kajian itu, Ling berkata, semua pihak perlu mengambil langkah segera memperingkatkan aspek keselamatan di internet.

"Internet berkembang dengan cukup pantas. Apatah lagi corak 'jenayah' di internet juga sudah semakin canggih dan berubah teknik dalam mencari mangsa.

"Saya memberi contoh di laman sembang antara lelaki dengan kanak-kanak. Lelaki tidak akan menawarkan diri untuk berjumpa kanak-kanak kerana tahu ibu bapa kanak-kanak berkenaan sudah mengajar kanak-kanak untuk berkata 'tidak', justeru, lelaki ini akan bermain psikologi atau reverse psikologi dengan pertanyaan memikat, seperti 'apa yang awak sukai'.

"Dalam hal ini, menerusi program pendidikan, kita fokus mengenai apa yang kanak-kanak mahu tahu mengenai internet dan menasarkannya bagaimana menanganinya risiko dengan bijak.

"Ibu bapa perlu tahu dan belajar mengenai internet supaya dapat memantau rentak anak mereka," katanya yang menjelaskan, tugas berkenaan membiaskan ramai pihak dan ibu bapa adalah 'puru' pertama yang seharusnya mendidik anak



"Risiko negatif memang ada, tetapi ia banyak bergantung kepada bagaimana cara untuk mengurangkan risiko apabila terdedah dengan internet"

Ola Jo Tandrea, Pengarah dan Ketua Tanggungjawab Sosial, Kumpulan Telekom



"Internet berkembang dengan cukup pantas. Apatah lagi corak 'jenayah' di internet juga sudah semakin canggih dan berubah teknik dalam mencari mangsa"

Philip Ling, Ketua Eksekutif Digi

cangan mengenai Tanggungjawab Digital, baru-baru ini.

Turut hadir Ketua Eksekutif Digi, Philip Ling, Presiden Persatuan Pengasuh Berdaftar, Datin Hj Wong dan Duta Digi, Iyad Zakry, mal, 16 serta Firdaus Ab Aziz, 16.

Sejak 20 tahun lalu, Telekom banyak menjalin hubungan dengan syarikat telekomunikasi di 12 negara termasuk Malaysia, India dan Sweden. Di Malaysia Telekom bekerjasama dengan pengendali telekomunikasi Digi yang menjurus

kepada keselamatan alam siber.

**Kendali internet dengan bijak**

Ola berkata, dalam kehidupan hari ini, sukar untuk mengelak menggunakan internet kerana ia memberi banyak manfaat dari segi pendid-

kan dan sosial.

Cuma, ibu bapa dan pihak sekolah sepatutnya berperanan membantu mengurangkan risiko dengan membincangkan mengenai internet khususnya daripada keselamatan bersama anak.

"Suka atau tidak, dunia digital memerlukan kemahiran digital. Justeru, kita tidak dapat menolak hakikat supaya ibu bapa membiaskan diri dengan internet dan mengetahui 'perangkap' yang mungkin menggunakan internet sebagai topeng dalam mencari mangsa.

"Antara yang membimbangkan ialah mengenai profil kanak-kanak. Baru-baru ini, kita bekerjasama dengan pihak polis untuk menyekat suatu laman pornografi daripada menerobos internet.

"Namun, ia tidak berakhir di situ kerana musuh ini sentiasa mencari jalan, bagaimana untuk terus menerajui mangsa. Di sinilah pentingnya orang dewasa ambil tahu dan bagaimana menerangkan hal berkenaan kepada kanak-kanak," katanya.

**Hadkan masa**

Sementara itu, Ling berkata, kesedaran mengenai keselamatan di alam siber sudah lama dilakukan Digi, malah program Cyber SAFE in Schools diartikan sejak tahun 2010,



Pengerusi Suruhanjaya Komunikasi dan Multimedia Malaysia, Mohamed Shari Turmizi (tengah) bersama Ketua Pegawai Eksekutif Digi, Iyad Zakry (dan dari kiri) dan Ketua Pegawai Eksekutif Cybersecurity Malaysia, Dr. Irudin Abdul Wahab (dua dari kanan) pada Majlis Pelancaran Cyber SAFE in School di Suruhanjaya Komunikasi dan Multimedia (SKMM), Cyberjaya.

KERATAN AKHBAR TEMPATAN  
BERITA HARIAN (FAMILI) : MUKA SURAT 13  
TARIKH: 14 APRIL 2015 (SELASA)



Josie Chong menunjukkan laporan Cyber SAFE in School.

## Fahami remaja

**Bagi** Duta Digi CyberSafe, Iyad Zakiy Amal dan Firdaus Ab Aziz masing-masing berusia 16 tahun, mereka sependapat menegaskan supaya ibu bapa atau pihak sekolah boleh berbicara secara terbuka mengenai internet.

Pelajar Sekolah Menengah Datuk Abdul Razak, Seremban, Iyad Zakiy, berkata kadangkala beliau tidak begitu jelas atau tidak mempunyai maklumat mengenai cara yang selamat ketika melayari internet.

### Utama keselamatan

"Ramai ibu bapa memberi had masa melayari internet, tetapi tidak menyentuh aspek keselamatan, sedangkan inilah perkara paling mustahak," katanya.

Iyad Zakiy berkata, daripada perbincangan dengan rakan remaja, mereka mendapati, ada dua jenis ibu bapa iaitu yang terlalu memberikan kebebasan kepada anak untuk melayari internet dan yang terlalu tertutup mengenai internet yang

mungkin menghadkan jam tertentu melayari internet dalam seminggu.

"Daripada pemerhatian kami, anak yang terlalu bebas didedahkan dengan internet tidak bagus kerana ia mungkin menghadkan interaksi dengan rakan sebaya, namun bagi yang terlalu sedikit pendedahan dengan internet menjadikan remaja berkenaan tidak tahu banyak perkara atau ketinggalan banyak maklumat terkini," katanya.

### Ibu bapa patut pantau

Bagi Firdaus, pendedahan mengenai internet perlu dilakukan sejak kecil, tetapi perlu dipantau ibu bapa kerana sebagai manusia, sebeb mana pun maklumat, mesti ada kawalan sendiri, termasuk tidak melayari laman lucah, perjudi dan sebagainya.

"Laman sebegini mudah dicapai, tetapi saya tidak mahu ia menjadi situasi normal untuk kita kunjungi kerana ia tidak bagus," katanya.



“**Laman lucah dan perjudi mudah dicapai, tetapi saya tidak mahu ia menjadi situasi normal untuk kita kunjungi kerana ia tidak bagus**”

Firdaus Ab Aziz,  
Duta Digi CyberSafe



“**Anak yang terlalu bebas didedahkan dengan internet tidak bagus kerana ia mungkin menghadkan interaksi dengan rakan sebaya**”

Iyad Zakiy Amal,  
Duta Digi CyberSafe



